

拔一切業障根本得生淨土神呪出小無量壽經

劉宋天竺三藏法師那跋陀羅奉詔重譯

南無阿彌多婆夜哆多切他伽路都餓切夜哆

地途賣切三夜他阿彌利上聲都婆毗五切阿彌利

哆六悉耽婆毗七切阿彌利哆八毗迦蘭諦九

阿彌利哆十毗迦蘭哆十一伽彌膩十二伽伽那

三十二劫多迦隸叶莎婆訶五切

若有善男子善女人能誦此呪者阿彌陀佛常住其頂日夜擁護無令怨家而得其便現世常得安隱臨命終時任運往生

阿彌陀經不思議神力傳隋錄未詳作者

昔長安僧叡法師慧崇僧顯慧通近至後

周實禪師景禪師西河鸞法師等數百餘

人並生西方西河綽禪師等因見鸞法師

得生淨土各率有緣專修淨土之業綽師

又撰西方記驗名安樂集流行又晉朝遠

法師入廬山三十年不出乃命同志白黑

有一百二十三人立誓期於西方鑿山銘

願至陳天嘉年廬山珍禪師於坐時見有

數百餘人共乘七寶華舫往西方珍禪師

頁二

十六

遂求附載其船上人報云法師雖講得涅槃經亦大不可思議緣法師未誦得阿彌陀經及呪所以不得同去法師遂廢講業

日夜專誦彌陀經及呪計應滿二萬遍未終四七日前夜向四更有神人從西方送

一白銀臺來空中明過於日告云法師壽終當乘此臺往生阿彌陀國故來相示令

知定生終時白黑咸聞空中如奏音樂并聞異香數月聞香氣不歇其夜峯頂寺僧

衆咸見一谷內有數十炬火大如車輪尋驗古今得生安樂世界者非一多見化佛

徒衆來迎靈瑞如傳廣明不可繁錄因珍禪師於此經有驗故略述此一條以悟來

詰助成往生之志拔一切業障根本得生淨土神呪者乃宋元嘉末年求那跋陀重

奉制譯合計五十九字一十五句龍樹菩薩願生安養夢感此呪耶舍三藏誦此呪

天平寺鑄法師從耶舍三藏口受此呪其人云經本外國不來若欲受持呪法嚼楊

枝澡豆漱口然香於佛像前胡跪合掌日

夜六時各誦三七遍即滅四重五逆十惡

謗方等罪悉得滅除現世所求皆得不為惡鬼神所惑亂若數滿二十萬遍即感得

菩提牙生若至三十萬遍即面見阿彌陀佛

頁二

十七

拔一切業障根本得生淨土神咒

校勘記

- 一 底本，明永樂北藏本。
- 一 八一三頁上二行「天竺三藏」，磧、普作「元嘉年天竺三藏」。
- 一 八一三頁上一行夾注「隋錄」，磧、普作「附隋」。
- 一 八一三頁中九行第六字「聞」，磧、普作「問」。
- 一 八一三頁中一八行第四字「鏤」下，磧、普有夾注「音秀」。
- 一 八一三頁下末行首字「佛」，磧、普作「佛傳竟如前」。